

■ GIUSTIA E SEGIREZZA

Reto Cramerì – nov president

(cp) La cumission per giustia e segirezza dal cussegl grond ha in nov parsura: deputà *Reto Cramerì* (pcd/Surava). El è succesor da deputà *Alessandro Della Vedova* (pcd/Poschiavo). La midada da presidi succeda mintgamai suenter dus onns.



Per il parsura partent, Alessandro della Vedova, president communal da Poschiavo, è la segirezza adina stada da gronda impurtanza. I dovria persuentar er ina legislaziun effizienta. Sut ses presidi èn diversas impurtantas leschas vegnidas decretadas. Quant engaschè ch'el è stà mussa la novissima incarica dal Departament chantunal per giustia, segirezza e sanadad pertutgant ils fugitivs. El ha gè diversas sesidas cun il prefect da Sondrio ed il cumandant da la polizia en Valtina. L'intenziun è stada da rinforzar la collavuraziun transcunfinala cun la Lumbardia concernent la segirezza. Quai ha funcziunà il davos temp, sco quai ch'ils fatgs demussan.

Il nov president da quella cumission, il giuven advocat da Surava, Reto Cramerì, sa legra da la nova incarica e sa senta onurà d'astgar presidiar questa cumission permanenta dal cussegl grond. En il center stat era per el la segirezza. Il basegn persuentar è sa midà fitg suenter ils acts da terror en l'Europa e las undas da migraziun ord l'Africa ed il Proxim Orient. La Svizra, e spezialmain il Grischun, valan sco ils pli segirs pajais. Igl è perquai da sa dar tutta fadia che quai restia uschia. Cramerì vegn perquai a cuntinuar cun quai sco Della Vedova ha instradà e realisà.